



Ovaj projekat finansira Evropska unija



LOKALNA PARTNERSTVA
ZA ZAPOŠLJAVANJE
U BOSNI I HERCEGOVINI



International Labour Organization

SAOPŠTENJE ZA JAVNOST

Petrovac, 17. april 2018.

Uspješno okončana obuka za poljoprivrednike sa projektnog područja

Stotinu izabраниh poljoprivrednih proizvođača sa područja opština Petrovac, Bosanski Petrovac, Ključ, Ribnik, Drvar i Istočni Drvar učestvovalo je u obuci koja je organizovana u okviru projekta „Proizvodnjom lana do održivih radnih mjesta u poljoprivredi“. Radi se o praktičnom programu obuke koji kombinuje elemente preduzetničke obuke sa konkretnim specifičnim vještinama kada je u pitanju proizvodnja lana, heljde i drugih alternativnih usjeva.

Obuka koja je sprovedena tokom marta i aprila mjeseca od strane partnera na projektu, Banja Luka College i Poljoprivredno-prehrambenog fakulteta Univerziteta u Sarajevu, imala je za cilj omogućiti poljoprivrednim proizvođačima sa projektnog područja da:

- Prepoznaju ekonomski i finansijski potencijal i proizvodnje alternativnih ratarskih kultura;
- Upoznaju zahtjeve tržišta poljoprivredno-prehrambenih proizvoda;
- Samostalno organizuju proizvodnju lana, heljde, spelte, raži i prosa na vlastitom imanju, vodeći pri tome računa o zaštiti okoliša i biodiverziteta i kontroli upotrebe pesticida i mineralnih đubriva;
- Razumiju i primjenjuju savremene proizvodne tehnologije tokom procesa proizvodnje;
- Kvalitetno pripreme svoje proizvode za tržište i imaju viziju o novim proizvodima sa dodatom vrijednošću koji bi mogli biti interesantni potencijalnim kupcima.

Poljoprivrednici koji su prošli obuku steći će pravo na dodatnu podršku u okviru projekta i to kroz mentorstvo, subvencije za proizvodnju navedenih ratarskih kultura i zagarantovani otkup ostvarenih prinosa. Projekat „Proizvodnjom lana do održivih radnih mjesta u poljoprivredi“ Opština Petrovac realizuje u saradnji sa još dvanaest partnerskih organizacija i institucija uključujući opštine Bosanski Petrovac, Ključ, Ribnik, Drvar i Istočni Drvar te Zavod za zapošljavanje Republike Srpske i Zavod za zapošljavanje Unsko-sanskog kantona. Projekat se realizuje u okviru projekta **Podrška lokalnim partnerstvima za zapošljavanje u Bosni i Hercegovini, kojeg finansira Evropska unija (EU) a provodi Međunarodna organizacija rada (ILO).**

- KRAJ -

S poštovanjem,

Bojan Čulibrk - Menadžer projekta (kontakt telefon: 050/465-004; e-mail: lanzaposao@gmail.com)

LOKALNA PARTNERSTVA ZA ZAPOŠLJAVANJE
U BOSNI I HERCEGOVINI

Projekat „Podrška lokalnim partnerstvima za zapošljavanje u Bosni i Hercegovini“ je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

• Fra Anđela Zvizdovića 1, B/XII,
71000 Sarajevo, Bosna i Hercegovina
• tel: + 387 33 29 57 36
• fax: + 387 33 29 57 41
• e-mail: lep@ilo.org
• [facebook.com/LEPSupport/](https://www.facebook.com/LEPSupport/)
• twitter.com/LEPSupport
• www.partnerstvo.ba